

Yu ken kisim moa kopi bilong dispela toktok
na moa infomesen long:



**National Agriculture Research Institute
Wet Lowlands Islands Programme**

Lowlands Agricultural Experiment Station
LAES Keravat

Information Center


P.O. Box 204
Kokopo
East New Britain Province
Papua New Guinea

Telephone: (675) 983 9200 / 9145
Facsimile: (675) 983 9129
Email: outreach.k@global.net.pg
narilli@global.net.pg



National Agricultural Research Institute

WOKOBAUT KOMPOS



NARI TOKTOK
KER006P

Decemba 2002

NARI EM WANEM

Nesanal Agrikalsa Risas Insitut (NARI) em i kamap long wanpela mama lo long Nesanal Palamen bilong Papua Niugini long mun Julai insait long yia 1996. NARI em wanpela long ol han bilong gavman wei bai kamapim gutpela wok painim aut long ol kainkain kaikai bilong gaden, ol narapela niupela kain kaikai ol man ino save gut, ol krop bilong salim, ol avus na tu lukluk long wei long lukautim ol resos (giraun, wara, diwai) bilong kantri. NARI tu i save kamapim ol wok painim aut long ol sik, sekim ol gutpela na nogut marasin i stap insait long ol plants na givim toksave long stretim ol dispela kain hevi. NARI save givim niupela save long wok agrikalsa insait long Papua Niugini. Ol wok NARI i kamapim em long halivim ol liklik fama long ples.


Nambawan as tinting bilong NARI em long kamapim gut wok agrikalsa insait long kantri bihain long ol wok painim aut. Long kamapim gut wok blong agrikalsa, NARI save painim aut ol gutpela wei, traim ol niupela na gutpela wei and sapos i wok, em i traim long soim ol fama.

Long dispela wei, NARI laik kamapim:

- kirapim gutpela na strongim wok bilong ol fama, wei long wok didiman i go stret na bai strongim agrikalsa long nau na bihan taim,
- bai kamapim wei long kisim moni, bai kamapim gutpela kaikai na moa kaikai olgeta taim na tu bai stretim gutpela sindaun bilong ol manmeri long Papua Niugini

Dispela toktok em John Bokosou i raitim, NARI Wetlowlands Islands Programme, long Decemba 2002. Ol samting i stap long dispela toktok em ol i kamap long ol gutpela luksave i bin stap long mun Decemba 2002. Ol tokaut inap senis sapos ol niupela luksave i kamap.

Sopos yu bihaenim dispela rot bai yu gat kompos olgeta wik long groim kaikai blong yu.




Sopos yu laik save moa long dispela lukim mipela long NARI LAES Keravat.

Mix bilong kompos (7:2:1)

7 shavol drai gras na grin lip

2 shavol blakpela graon

1 shavol skin bilong kaikai yumi sapim long kukim



WOKOBAUT KOMPOS


Wonem samting em wokabaut kompos ?

Kompos em ol drai gras na ol narapela pipia emi sting pinis na kamap graon. Dispela kompos em kaikai o nutriens istap long graon em ol kaikai bilong gaden isave yusim. Taim ol gaden kaikai yusim dispela kompos ol dispela gaden kaikai bai gro bikipela na strong.

I gat rot bilong kamapim wokabaot kompos dispela istap daon bilo.

Samting bilong mekim wokabaot kompos

1. Drai gras na grin lip bilong diwai
2. Skin bilong kaikai yumi sapim long kukim
3. Pekpek long haus kakaruk, pik o bulmakau (sapos i gat)
4. Sting skin bilong kakao pod, lip diwai na haphap diwai
5. Gutpela graon
6. Sampela wara
7. Kambang o sit bilong paia



Bihaenim rot bilong mekim kompos

1. Bungim ol samting blong mekim kompos na putim long ol liklik hip blong ol.
2. Yusim shavol na bai yu ken kandim hamas shavol yu kisim graon na hamas shavol yu kisim drai lip o hamas shavol yu kisim pipia kaikai.
3. Kisim sevenpela shavol drai lip na grin lip na putim long boks, tupela shavol blakpela graon na putim long boks na wanpela shavol pipia blong kaikai na bungim wantaim.
4. Bihaen yu tanim wantaim na ol imas miks gut
5. Bihaenim step namba 3 gen inap yu yusim olgeta samting yu redim long mekim kompos.
6. Miksim ol gen insait long boks bai oli mas miks gut.
7. Givim wara antap long boks
8. Karamapim long lip banana
9. Bihaen long wanpela wik surukim wonem samting long boks wan igo long boks namba tu
10. Bihaenim step 1-8 long mekim niupela kompos gen